

《佛說阿彌陀經要解》 補充講表

◎附表十四：糅合《彌陀經要解講義》、《彌陀經要解親聞記》、《阿彌陀經要釋》

○又舍利弗！極樂國土，有七寶池，八功德水，充滿其中，池底純以金沙布地。

※上文是約依正莊嚴總釋極樂名義，此下是別示依正莊嚴明極樂受用妙境。現在先來說明池水非但欄楯等莊嚴而已，即此池水之類，亦皆殊勝無比。

○八功德水：《佛說無量壽經》云「湛然盈滿，清淨香潔，味如甘露。」

一、澄清：澄明清淨，異此方渾濁。

二、清冷：隨眾生意調和冷暖，異此方寒熱，不能適意。

三、甘美：味道清涼甘美，異此方鹹淡劣味。

四、輕軟：輕揚柔軟。《觀無量壽佛經》云：「流注花間，尋樹上下。」異此方沉重，

五、潤澤：水能滋潤身體。不似此界多則泛濫，少則枯竭；而且縮腐（縮：減少。腐：變

壞) 褪色。

六、安和：安定溫和，異此方急暴。

七、除饑渴：異此方生冷，易生疾病。

八、長養諸根：彼土之水，飲用或沐浴，能長養眼、耳、鼻、舌、身、意諸根，令開神悅體，蕩除心垢，增長道業。異此方損壞諸根，及疹(不和也)戾(不順也)增病沒溺等。

※《稱讚淨土佛攝受經》云：「八者，飲已，定能長養諸根四大，增益種種殊勝善根。」

※《佛說觀無量壽佛經》云：「一一池水，七寶所成。其寶柔軟，從如意珠王生，分為十

四支；一一支，作七寶妙色。黃金為渠，渠下皆以雜色金

剛，以為底沙；一一水中，有六十億七寶蓮華；一一蓮華，

團圓正等十二由旬。其摩尼水，流注華間，尋樹上下。」

※七寶池八功德水，復有三種殊勝妙用：1水能隨意，2水能說法，3浴畢進道。

※《佛說阿彌陀經疏鈔演義》云：「大本云：既皆浴已，或各坐於蓮華之上。又云：有在地講經者，誦經者，自說經者，授經者，聽經者，念經者，思道者，坐禪一心者，經行者；有在虛空中講經者，乃至坐禪經行者，各隨其質而有所得。未得四果者，因得四果；未得不退轉地菩薩，得不退轉。是水不但以可浴為功，又能利益於既浴之後也。以上三種殊勝，皆攝寶池德水中故。」

○四邊階道，金銀琉璃，玻璃合成。：琉璃、玻璃、碑磔、赤珠、瑪瑙，而嚴飾之。

※琉璃：是梵語，具云：「吠琉璃」，翻為青色寶，其色青故。

※玻璃：是梵語，具云：「窳坡致迦」，譯為水玉，其狀似此方水晶，有赤、白、青三色。

※碑磔：是梵語，譯為「青白色寶」，以色命名，故又云「大貝」，產自海中大介蟲。

※赤珠：赤蟲所出，其色赤故名。

※瑪瑙：譯為馬腦寶，其色如馬之腦故名。後人見是玉類改作瑪瑙。

※此段是解釋樓閣莊嚴文。四邊階道：東西南北曰四，池邊曰邊，砌級曰階，坦平曰道（路也）。池岸有階可通上下（由之入池升岸），岸上有道可通來往（供散步遊行），或階或道，悉是四寶合成，或相間，或純一配置不等。

○池中蓮華大如車輪，青色青光，黃色黃光，赤色赤光，白色白光，微妙香潔。

※大本云：「池中蓮花，或一由旬乃至百千由旬。」《觀經》云：「一一池中，有六十億七寶蓮華團圓，正等十二由旬。」觀斯則知同居淨土身相不等，故其大小不可局定，由念佛人，因中勤惰以分勝劣，隨其感現大小則不同。

※車輪者不但狀如蓮花形，亦且表花之德，車輪有運轉義，正顯寶池蓮花，能「運」載十方念佛眾生出苦海，到極樂「轉」凡成聖。（七寶蓮花能從空飛至十方接念佛眾生往生彼國）。※今但舉四色四光，亦是省略文法。如大本云：「青色青光，乃至玄黃朱紫之色，其光亦然，煒燁煥爛，明耀日月，一一花中，出三十六百千億光。」

※無礙曰妙者，自在無礙，不可思議。十方眾生發心念佛，華即標名。勤惰纔分，榮枯頓異，是為感應冥符妙。又上中下品，各隨功行，無量往生，不致錯謬，是為勝劣分明妙。

○質而非形曰微。無礙曰妙。非形則非塵，故潔也。蓮胞如此，生身可知。

※質而非形曰微者：質乃寶華之體質。形量大小不定，各隨念力而現。故曰非形。

※非形即非塵者：既非一定大小之形，則自然非色塵之德，而全體唯心矣。元是菩提妙淨明體，故曰非塵故潔也。蓮胞既光色明耀，微妙香潔，則生身莊嚴殊勝可知。

※【疏】又蓮華者，往生彼國托質之所。念佛之人，特宜知此。（糅合《彌陀疏鈔》）

※【鈔】托質者，未證無生，生必有托。六趣眾生，則中陰之身，自求父母。往生善士，則一彈指頃，蓮華化生。下文一心不亂，即得往生阿彌陀佛極樂國土，即是生此蓮華中也。是蓮華者，乃卸凡殼之玄宮，安慧命之神宅。：昔有二僧，作蓮華開合想，遂得往生，況復加之一心持名而不生者！

○復次佛以大願，作眾生多善根之因。……念念成就如是功德。而皆是已成，非今非當。

※《印光大師文鈔續編》卷上·致廣慧和尚書云：「由是知佛力不可思議，法力不可思議，

眾生心力不可思議。然眾生雖具有不可思議之心力，不以佛力、法力加持，亦不能得其受用。由蒙佛力、法力加持，俾眾生心力，完全顯現。」

○此則以阿彌種種莊嚴，作增上本質。帶起眾生自心種種莊嚴。全佛即生，全他即自。

※《大乘止觀法門》云：「性依薰起，顯現淨土。」

※《大乘止觀述記》云：「**【性依薰起，顯現淨土】**八字，說盡念佛法要。謂本具之佛性，

為無明覆障故，必依淨業之薰力，薰令生起。所謂心想佛時，是心即是三十二相，八十隨形好，是故念他佛，即是念自佛也。然以積垢之身，非仗彌陀悲願，何能自拔！故一句萬德洪名，當如孩提之呼父母，心口宛轉，聲淚交迸，有非蒙垂手提攜不可之勢。

如是真誠，方能薰起，顯現淨土。所以念自佛，必須念他佛也。」

※《大乘止觀述記》云：「夫天然本具之謂性，熏發顯現之謂修。以性體寂照，雖是本具；

然為無明覆障，非久久熏修，本具之性德，何能自顯！且修屬

事造，既在事邊，必有能所對待。若無能所，云何修耶？所謂

能所者，略開六重：即是

一、意識為能知，心外無法為所知。（意識指第六識。）

二、意識為能依，淨心為所依。

三、意識為能修，止觀（持名念佛）為所修。

四、意識修止觀（持名念佛）為能熏，阿賴耶為所熏。

五、意識修止觀（持名念佛）為能轉，無塵智為所轉。↓即轉識成智。

六、無塵智等為能斷，無明為所斷也。」